

## Sodger, sodger

Sodger, sodger, will ye mairry me  
If ye're no awready tane?  
Och, ma lass, I cannae mairry ye  
For I hae nae sark o ma ain.

sark - shirt

Sae aff she gaed tae her granfaither's haw  
And brocht him a sark  
That wis awfie, awfie braw  
And the sodger pit it on.

Sodger, sodger, will ye mairry me  
If ye're no awready tane?  
Och, ma lass, I cannae mairry ye  
For I hae nae bunnet o ma ain.

bunnet - hat

Sae aff she gaed tae her granfaither's haw  
And brocht him a bunnet  
That wis awfie, awfie braw  
And the sodger pit it on.

Sodger, sodger, will ye mairry me  
If ye're no awready tane?  
Och, ma lass, I cannae mairry ye  
For I hae nae jaiket o ma ain.

jaiket - jacket

Sae aff she gaed tae her granfaither's haw  
And brocht him a jaiket  
That wis awfie, awfie braw  
And the sodger pit it on.

Sodger, sodger, will ye mairry me  
If ye're no awready tane?  
Och, ma lass, I cannae mairry ye  
For I hae nae baffies o ma ain.

baffies - slippers

Sae aff she gaed tae her granfaither's haw  
And brocht him baffies  
That were awfie, awfie braw  
And the sodger pit them on.

Sodger, sodger, will ye mairry me  
If ye're no awready tane?  
Och no, ma lass, I cannae mairry ye  
For I hae a wife o ma ain.